



Inatsisartunut ilaasortaq
Anthon Frederiksen
Partii Naleraq

Nunatsinni Teologi-mik ilinniarnernup Naalagaaffeqatigiit iluani assigiimmik qaffasissuseqarnissaat pillugu § 37 naapertorlugu apeqquteqaatinnut akissut

12-02-2016
Sagsnr. 2016 - 2795
Dok. nr. 2129268

Asasara Anthon Frederiksen

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Naalakkersuisut sinnerlugit teologi nunatsinni ilinniagaasarnernut pillugu apeqquteqaatitit qujassutigaaqka.

**1. Nunatsinni ilinniagaq Teologimi bachelor sooq naalagaaffeqatigiin-
nerup iluani atuutissaguni ukiut marluk affarlu danmarkimi ilinniaq-
qeqqaarneqassava?**

Akissut:

Ilinniakkat aqqissuussaanerani assigiinngissut tassaavoq, Danmarkimi ilinniarnermi piumasarineqarmata oqaatsit tunngaviusut tassaasut Hebriarisut, Testamenti nutaaq naapertorlugu Griikerit oqaasii, Latinerisullu, taakkulu ukioq ilivitoq ilinniarnissaat naatsorsuutaalluni.

Nunatsinni Bachelori ukiunut pingasunut sivisussusilerneqarnikuuvoq, Københavnip (KU) aamma Aarhus (AU) Universitetiani ukiunut sisamanut sivisussusilerneqarnikuul-
luni.

Nunatsinni bacheloritut ilinniarsimagaanni saniatigullu Pastoral Seminarium (ukiup affaa) angusimagaanni palasitut atorfininnissaq ajornarunnaartarpoq. Danmarkimi Palasinngorniaaraanni Kandidat angusimasariaqarluni. Tassalu nunani taakkunani palasinngornissamut piumasaqaataasut assigiinngissutaat.

Assersuutitut KU-mi aamma Ilisimatusarfimmi amerlasuutigut fagit assigiit ingerlanneqartarput, tassanili ilinniakkat qaffasissusaat assigiillutik. Assigiinngissutip annerpaartaa oqaatsinik ilinniarnermiippoq.

Ilinniartoq Københavnip universititiani Kandidatimut ingerlaqqinniaruni, suliamiit suliamut Ilisimatusarfimmi bachelorisut ilinniarnermi fagit angusimasat sorliit nuunneqarsinnaanersut ataasiakkaarlugit nalilersorneqartarput. Tamannalu nunanit allanit KU-mi Kandidatinut ingerlaqqinniartunut tamanut atuuttuuvoq.

Ilisimatusarfimmi Teologi ilinniakkani minnersaavoq. Ilinniartut 12-it ilinniartut nalunaarsorsimapput. Ukiuni kingullerni tallimani ukiumut agguaqatigiissillugu marluk bacheloritut naammassisarput.

2. Naalagaaffeqatigiinnerup iluani ilinniakkat qaffasissusai assigiisnneqassanngillat?

Akissut:

Ilisimatusarfimmi Bacheloritut ilinniarneq KU-mi ilinniakkamut qaffasissusaatigut assigaa, taamaallaat oqaatsit qulaani eqqartorneqartut ilaatinneqaratik. Ilinniakkanik nuutsisisinnaanermi suliamiit suliamut suut nuutsinneqarsinnaanersut nalilersorneqartuaannarpoq, tamatumalu kingunerisaanik sutigut qaffassaqqinnissaq paasinarsisarluni.

3. Nunarsuarmioqataasutut unammillersinnaaneq eqqartorneqartartoq naapertuunnerluni nunatsinni ilinniakkat naalagaaffeqatigiinnerup iluani atorsinnaanngitsut?

Akissut:

Nunani ilinniartiusuni ilinniakkatigut piumasaqaatit piginnaaffilerneqartarneri nunamut atuuffissamut naleqqussarneqartarput. Ilisimatitsissutigineqarsinnaavoq Savalimmiuni Teologi ilinniarneqarsinnaanngimmat. Ilinniartut Norgemut Danmarkimulluunniit ilinniariartortarput. Norgemi Bachelor ilinniarsimagaanni, KU-mi imaluunniit AU-mi ingerlaqqinniaaraani aamma tassani nalilersuinikkut qaffassaqqinnissat aalajangersarneqartarput.

Inussiarnersumik inuulluaqqusilluta

Nivi Olsen